

# ŠULSKE NOWINY



Serbska wyša šula Ralbicy  
UNESCO projektna šula  
[www.sorbische-schule-ralbitz.de](http://www.sorbische-schule-ralbitz.de)

Hodownik 2022  
27. lětnik, 271. wudaće



Lube šulerki a lubi šulerjo, kedźbujće,  
na was čaka wubědźowanje!

Kak kreatiwni wšitcy sće? To nam tola pokažće!

Přeradźimy krok po kroku naše předstawy wam skoku.

Bórže **hody** bliža so, tak potajkim naša tema hižo jasna jo.

K tomu maće wuměnjenje, zo za was cyle tak lochke njeje:

Zatwar do swojeho wobrazu: **dekoraciju**, kotraž je **typiska hodowna!**

Hač **sami**, z **přećelemi**, ze **staršimi**, hač z **džědom**, z **wowku** abo ze **zwěrjatami**.

Na rezultaty hižo wćipni smy, potom wobrazy wšitke wuhódnoćimy!

**Mytowanje** slěduje a **překwapjenka** so přizamknje.

Nětko spěšnje do džěta, přejemy wam wjele wuspěcha!



Wšitke šulerki a wšitcy šulerjo 5. do 10. lětnika smědža so wobdźelić. Wobraz tykńće prošu hač do 10.02.2023 do póstoweho kašćika knjeni Pešmanoweje při wučerskej stwě. Džakuju.

- tekst: Saskia Belkotec a Helena Kralc -



Naš 10. lětnik je stónčnu srjedu po nazymskich prózdnicach wužiť, zo by šćežku Čišinskeho wopytať. Na multimedialnym pućowanju wokoto Pančic-Kukowa zhonichu tójšto ze žiwjenja a tworjenja serbskeho basnika Jakuba Barta-Čišinskeho.

- tekst a wobraz: Jan Rjeda -

## 1. regionalne powołańskie wiki 13.10.2022 bëchu wuspěšne zarjadowanje!

Lube šulerki, lubi šulerjo, česćeni starši a wustajerjo, lubi zajimcy,

za 1. regionalne powołańskie wiki, kotrež bëchu wosebite zarjadowanje Serbskeje wyšejše šule Ralbicy, móžachmy sebi 50 wustajerjow zdobyć.

Naše šulerki a naši šulerjo 7. do 10. lětnika a wuknjacy z Radworja, Kamjenca, Budyšina, Worklec a Rakec kaž tež druzy zajimcy wopytachu naše wiki a informowachu so nadrobnje wo powołańjach w ratarstwje, industriji, rjemjesle, na polu wikow a dalších postužbow. W bëhu dnja wužiwachu wopytowarjo składnosć, so z wustajerjemi rozmołwjeć a wuspytachu so wćipni w praktiskich poskitkach, w džěłarničkach a scěhowachu wšelakim přednoškam w klubowni.

Naša sportowa hala bë so přeměniła do pisaneho wustajenišća wikow z mnohostronskimi informacijemi. Šulski dwór wabješe předewšěm z wulkimi twarskimi mašinami, aktiwnymi poskitkami a nazornymi materialijemi. Na zakładže feedbackowych topjenow móžachmy zwěsćić, zo bëchu wšitke wustajerki a wšitcy wustajerjo jara spokojom a zahorjeni wo tutym zarjadowanju. Tež šulerki a šulerjo wjeselachu so, zo móžachu poskitki wužić a kontakty z jednotliwymi wustajerjemi nawjazać, sebi městno za praktikum, za prózdninske džěło abo samo za wukubłanišće namakać.

Wulki pozitiwny wothtós potwjerdzi naš zaměr, tute regionalne powołańskie wiki w přichodže dale přewjesć a nic jako jónkrótne zarjadowanje wobhladować. Móžny termin za přichodne tajke zarjadowanje chcemy na zhromadnym wuhódnoćenju štwórtk, dnja 17.11.2022, tematizować.

Wulki džak słuša našej šulskej nawodnicy knjeni Koberowej a našemu šulskemu nošerjej, gmejnje Ralbicy-Róžant, za skutkownu podpěru při přihotach, přewjedženju a wottwarje wikow. Wutrobnje džakujemy so za spožčenu dowěru!

Za financielnu podpěru džakujemy so gmejnje Ralbicy-Róžant, agenturje za džěło, Załožbje za serbski lud a Domowinje. Wutrobnje džakujemy so tež jednotliwym předewzaćelam a priwatnym wosobam, kotřiž su nas při přihotach z materialijemi abo wosebitymi postužbami podpěrali.

Wosebity džak słuša tež našim šulerkam, šulerjam a staršim, kotřiž su wustajerjow a hosći přecelnje a wulkotnje pohosćili. Džakujemy so tež našim njeličomnym pilnym pomocnicam a pomocnikam w informaciskim bërowje, na parkowanišću, při na- a wottwarje a našemu domownikej knjezej Lanze kaž tež gmejnskimi džěłaćerjam za wšu podpěru.

Na internetnej stronje našeje serbskeje wyšeje šule namakaće někotre wobrazy a impresije 1. regionalnych powołanskich wikow.

Džakujemy so wutrobnje wšitkim sobuskutkowacym, kotřiž su 1. regionalne powołanske wiki na Serbskej wyšej šuli Ralbicy sobu přihotowali abo přewjedli. Bě wulkotne zarjadowanje!

organizatorjo wikow

Ralbicy, 24.10.2022

Na powołanskich wikach běchmy wězo tež z nahrawakom za was po puću.  
Tuž budźće wćipni na naš přinošk k tomu w januaru!


## Zyma

Přijěcha k nam zyma tu  
na sněhowym koniku.

Na wokna nam moluje  
rjane róže, hałuzy.



Smil so luba hospoza,  
njezabudź te ptačatka.  
Nalěto či při ranju  
džakne spěwy zanjesu.




Pola wodźěte nětk su  
prěz bětu płachtu sněhowu.

Derje su tak schowane,  
wšitke sywy nazymne.

Ptački wězo wbohe su,  
zornjatka sej pytaju.

Proša wšědnje při domčku  
wo jim trěbnu cyrobu.



Džěći spěšnje sankuja,  
na lodže so smykaja.  
Dawno hižo čakali,  
sanki z kólnjow čahali.



Wórša Mětowa

D	Ž	A	K	O	W	N	O	S	Ć
K	P	B	U	S	L	Y	S	A	I
A	D	W	E	N	T	N	A	N	C
L	A	S	W	Ě	Č	K	A	J	H
E	R	M	W	H	B	T	Z	E	O
N	Y	Y	Ě	Ó	A	W	Y	I	T
D	N	K	S	T	J	Ł	M	S	A
E	P	A	W	Y	I	B	A	G	Ń
R	O	Ć	B	I	S	O	A	T	O
L	H	O	D	Y	W	S	L	I	Z



Namakaj w křiřowce slĚdowace sřowa: kalender, advent, zyma, hody, snĚh, dary, swĚĉka, dřakownořĆ, sanje, smykaĉ, swřjba, ĉichota.

- Luis Suchy a Jakub MĚřř -



## INFORMACIJE - TERMINY - WřELĉIZNY

05. hodownika

adwentny  
wolejbulowy  
turnĚř

wot 22.12. hodownika

hodowne prřozdniny

Přejemy wřitkim řulerkam a řulerjam, řtarřim, dřĚdam a wowkam kař teř wuĉerkam a wuĉerjam řohnowane a hnadypořne hody, rjane prřozdniny a mĚřny hodowny ĉas!



- wobrazy: [www.pixabay.de](http://www.pixabay.de) -